

中國稀見史料



廈門大學圖書館藏稀見史料(二)

【第二輯】

陳明光 侯真平 主編

陸靖節集



廈門大學出版社
國家一級出版社 全國百佳圖書出版單位

嘉靖丁亥夏少宰燕泉何公歸
于留都舟過潯陽余遣人候之
緘一編貽余啓封公手注靖節
集也且曰盍刻諸因憶昔侍公
滇南嘗受讀是編米豫章塵俗
囂紛每欲誦陶詩以自適檢諸

蓋五六十
年前陶集
僅有何氏
一註
別梓也
年來刻本
甚多
余獨寶此
荀子
孫其重之
哉
萬曆壬子
夏
勛書

【第二輯】

陳明光 侯真平 主編



廈門大學出版社
國家一級出版社 全國百佳圖書出版單位

中國稀見史料

廈門大學圖書館藏稀見史料【一】

靖節集

先生詩平典出應璩風力出左太冲物品如古
流第一嘗學孔明隱固如是也晉宋易命道不

图书在版编目(CIP)数据

中国稀见史料. 第2辑, 厦门大学图书馆藏稀见史料. 1/陈明光, 侯真平主编. -厦门: 厦门大学出版社, 2010. 9

ISBN 978-7-5615-3638-4

I. ①中… II. ①陈…②侯… III. ①古籍-汇编-中国②中国-古代史-史料-明清时代 IV. ①Z422

中国版本图书馆 CIP 数据核字(2010)第 157611 号

厦门大学出版社出版发行

(地址: 厦门市软件园二期望海路 39 号 邮编: 361008)

<http://www.xmupress.com>

xmup@public.xm.fj.cn

厦门集大印刷厂印刷

(地址: 厦门市集美石鼓路 9 号 邮编: 361021)

2010 年 9 月第 1 版 2010 年 9 月第 1 次印刷

开本: 787×1092 1/16 印张: 612

定价: 15 000.00 元(全二十册)

如有印装质量问题请与承印厂调换

總目

出版說明		第一冊
序		第一冊
總目		第一冊
提要		第一冊

陶靖節集	〔晉〕陶潛撰，〔明〕何孟春注，〔明〕徐爌、〔清〕劉文淇諸人題識		第一冊
未軒公文集	〔明〕黃仲昭撰，〔清〕郭柏蒼題識		第一～三冊
馬忠節父子合集	〔明〕馬思聰、〔明〕馬明衡撰，〔清〕劉尚文編		第三冊
淳庵詩文集	〔清〕柯輅撰		第三～六冊
晉江黃尚書公全集	〔清〕黃宗漢撰，〔清〕黃貽楫輯		第六～十三冊
謝亭集	〔清〕謝綸撰		第十三～十四冊
圖民錄	〔清〕袁守定撰		第十四～十五冊
從政雜錄	〔清〕蘇廷玉撰		第十五冊

鄉守團要	〔清〕許乃釗輯撰、〔清〕黃來備撰	第十五、十六冊
厚俗告示	〔清〕王德瑛撰	第十六冊
新政真詮	〔清〕何啓、〔清〕胡禮垣撰	第十六、十七冊
策軒文編	〔清〕蔣寶誠撰	第十七、十八冊
豐州集稿	〔清〕陳國仕纂	第十八、二十冊

卽鼎彝終見勒

明廷餘生笑我頭空白浮世何人

眼更青後夜思君天萬里只憑清夢覩儀刑

和答鄭司訓賞蓮詩并訂重遊之約

萍蹤十載寄江湖空涉風濤負壯圖此日紅蓮欣共
賞昔年白壁悔重酤功名隨分心常泰勢焰薰天骨
亦枯還約中秋同玩月九龍山下候車徒

壽林通府景源七十次林見素韻

伉儷稀年錫自天仙經何用更鈎玄堦前菊映斑斕
服堂上歌喧錦綉筵老得身閑增矍鑠貌因德邵覺
清妍從今壽考誰堪並萬仞南山倚翠煙

已未九日烏山登高次劉靜常鄭藏菴東菴韻

白露凝霜催短景黃花泛酒續良遊山橫翠黛雲開

處鴈帶斜陽天盡頭百歲功名成畫餅幾人姓字覆

金甌題糕且盡生前樂灑淚何勞身後憂

次靜常韻

誰能燮理順陰陽偶爲登高一感傷多稼盈疇憐就

稿三農終歲嘆徒忙且呼綠醕互酬酢聊挽春和歸

肺腸老得茲遊良亦幸浮生豐約底須量

次東菴韻

浮雲漠漠擁遙岑不解爲霖空自陰人事忽看今日

改菊花還作去年簪廟堂誰是憂民者畎畝空懷愛

國心萬斛閑愁何處遣盈尊春酒不辭斟

次藏庵韻

壽姚松雲翁七十二首次林見素韻

陽月如春晝不寒
稀年壽酒足爲歡
蟠桃一實三千歲
青鳥傳音約再看

晴曦光映舞衣斑
滿面和風動笑顏
俯仰乾坤還自幸
百年青眼有南山

送妻弟羅元吉之任汝州司訓次林大司成韻
一鐸新持敎汝州
西風話別岳溪頭
驪駒迭奏催行酒
霜柳難將綰去舟
飛夢不離閩嶺月
作人有待郢林秋
清時莫嘆長才屈
大手還修五鳳樓

鄭藏庵詣下皐訪予不遇以詩見貽次韻答之

聞君過訪石田隈自笑塵緣撥未開春甕無由驪酒
候奚囊又喜送詩來待看一雨通溪舫還約重遊掃
逕苔地僻衡門長寂寞可堪嘉客又空回

換林文恢教授

蕉境優游味正濃黃梁一夢蕙帷空菊松三逕悲元
亮桃李諸生哭馬融高塚麒麟秋草裏穹碑鼉鼉夕
陽中賢郎無限思親淚洒向西風恨不窮

次張坦齋作廣化山水圖

誰寫雲山著此僧王維去後讓君能松庭鳥下聞齋
磬蘿逕煙消見佛燈春雨小溪流澌澌夕陽孤塔影

稜稜看圖便欲離塵俗共結茅庵紫翠層

丙辰九月廿四日致政歸寓蒜嶺驛次韻二律
宦海何勞嘆望洋東籬猶有菊花黃惟應鳥倦投林
下遑恤牛傷喘道傍蕉鹿紛紜憐世路尊鱸肥美正
秋霜濟川舟楫今無數誰問天涯野水航

食祿無才翼 聖朝掛冠奚敢謂賢勞淵明只合歸
三徑貢禹應宜上九霄滿地黃雲秋稻熟連天碧海
瘴煙消塵蹤自笑詩懷減忽見鄉山又覺豪

和陳吉甫韻二首

似與東君有夙期陽回便覺藹晴熙幽情徑路無媒

處詩思池塘入夢時極浦含煙紫別恨小窓交翠愜

吾私宦途未了紅塵債醉藉芳茵知是誰

右春草

積雨平湖水接空混茫不復辨西東長橋柳色澄深

翠斷岸桃花映淺紅人喜蘭亭流玉斝我懷沂水浴

清風幾回江上看湍急直欲窮源路未通

右春水

過汾水關和高都憲韻

不待尋看地誌文此關形勢昔曾聞天教閩楚從茲
限水向東西特地分商旅夜酣山店月旌旗暮捲戎
樓雲時平四海無烽警守險何須萬竈軍

宿車盤驛和陳文耀方伯韻

行盡閩山幾日程馬頭又見楚山迎
君恩未效涓埃報垂老茲行敢爲名

只說閩山是故山今朝倏已出閩關
古今經濟誰無憾畢竟還須早丐閑

題常思嶺蘭若二首

前首和胡憲副韻
後首和沈大參韻

天風吹我上招提回首群峰勢盡低
過客登樓因覽勝老僧泚筆請留題
春雲閣雨過青嶂行潦流花入小溪
自笑迂疎成底事亦驅羸馬走東西

蓬萊何處覓仙家小刹閑吟興亦賒
門外有山都是竹庭前無地不栽花
半生牢落多行路幾度經過此

啜茶日暮又投山驛去回看樓閣倚雲斜

三山林教諭先生挽詩

先生三子曰清源曰泮曰濬淵俱登進士第

蚤際風雲登月窟旋承

雨露下

天除棘闥多士

推衡鑑芹泮諸生仰範模浮世功名歸一夢朝陽文

彩見三雛

褒封況有雙鸞誥萬丈龍光照故墟

感事偶書

壯心一片今猶昔浮世多岐自町畦巷伯謾勞傷貝
錦伏波誰與辨文犀從來山水知音少何恠雌雄過
眼迷賴有嬋娟天際月夜深還照小窓西

挽郭州判

佐縣才華衆所欽重看佐郡慰民心一時品藻歸清
譽幾樹甘棠藹綠陰枳棘忽驚丹鳳老松楸長鎖白
雲深宦途喜有承家子燁燁聲光動士林

送道錄司玄義堵崇德還京

代賦

帝遣仙郎下玉墀函香遠祀二真祠江山勝處時
停騎星斗光中夜祝釐王事有期秋復暮歸舟難
綰柳空垂霜臺自笑貧如洗握手臨岐只贈詩

壽進士吳浚母八十

浚浙人奉使入閩便道還家遇壽旦臘月廿四日也

八袞慈親初度晨皇華桂子正歸程分將天祿供珍
膳摘取梅花薦壽觥錦服暫爲萊服舞使星高傍婺

星明蒼天福善應無極鸞誥還看荷 寵榮

和韻題露竹并菊

湘君夜降騎青鸞金鈿落地光團團化作翠筠與黃菊空山共傲風露寒

和韻題雨竹并菊

雨過琅玕濕未乾霜餘黃菊尚堪餐他年何處偏思爾紫陌雞聲旅夢殘

壽仙遊彭大尹母孺人八十

花縣仙郎獻績歸故園因得壽慈闈蟠桃花並宜男發南極星連婺女輝蘭玉一庭春不老星霜八袞世

尤稀更裁文錦三千丈歲歲高堂換舞衣

題孟浩然尋梅圖二首次同年三山王廷用韻
瑤琴世路少知音賴有梅花獨可尋拆取一枝良不俗小齋亦足伴清吟

盛唐風雅見遺音千古斯人何處尋幸有良工寫真意蹇驢猶似對花吟

題三山施克端江湖覽勝卷次張坦齋韻

乾坤我欲遍經過世事參商奈老何夢遶洞庭秋水濶心馳禹穴暮雲多晉陽謾想唐堯跡蜀道空傳李白歌訪古知君多歷覽遺風還似昔年麼

經常思嶺蘭若和沈大叅韻二首

白雲閑伴山僧住
閱盡浮生客行路
老龍行雨澤人
間雲自無心不飛去

素心長與碧山期
垂老無緣慰所思
安得禪房分半
榻塵纓濯向竹間池

題林氏婿宜榮翠庭卷和楊大叅韻二首

佳趣盈庭浩莫禁
春風積翠淺還深
理從橐籥機中
悟詩向池塘夢裏尋
日煖濃香薰壽酒
雨餘生意契
吾心老予粗識濂溪意
劇論時容杖屨臨
寸心役物苦難禁
揭扁藏修托意深
天地化工隨處